



www.giuv-scuol.ch  
info@giuv-scuol.ch

# Protocol da la radunanza generala da la Giuventüna da Scuol ils 25 schner 2025

- Lö:** "Jägerstübli" pro Rino, ils 25 schner 2025, a las 20:00
- Preschaints:** Anina, Anna Lea, Aurora, Bianca, Geremia, Lino, Marina, Max, Mevina, Mic, Orlando, Rino, Sarina
- S-chüsats:** Aita, Alissia, Braida, Cinzia, Fadrina, Luca, Marchet, Marco, Matias, Samira, Ursina

## Tractandas

1. Tscherna da scrutinadur/as
2. Approvaziun dal protocol da l'on 2024 (chi vain tramiss ouravant)
3. Rapport dal president
4. Rapport da la chaschiera
5. Rapport dals revisurs da quints
6. Tscherna da la suprastanza
7. Fixaziun da la contribuziun annuala
8. Admissiun da novs commembers
9. Program da l'on 2025 e fixaziun da datas
10. Varia

### 1. Bainvgnü e tscherna da scrutinadur / scrutinadura

A las 20:12 bivgnainta il president a tuot ils commembers preschaints. Geremia as metta a disposiziun sco scrutinadur e vain tschernü cun applaus.

### 2. Prelecziun ed approvaziun dal protocol da l'on 2024

Il protocol da l'on 2024 es gnü tramiss anticipadamaing insembel cul invid per la radunanza cul giavüsch ch'el gnia let tras avant quist inscunter. Il protocol da la radunanza generala 2024 vain approvà unanimamaing.



### **3. Rapport dal president**

A man d'üna preschantaziun da powerpoint cun fotografias resümescha il president che cha la giuventüna ha fat d'ürant l'on 2024. Las occurenzas d'eiran: Hom Strom, tschoccas a Sur En, di da skis, SPEB, olimpiada a Ftan, viadi in Italia, ELF, lavurs pel cumün süls Girgels, grillada per nouvs commembers Lai Nair, fö dals 1. avuost Flöna, Pfundskerle, festa d'october a Tschlin, Niculaus per differentas chasadas e pels battasendas.

Implü haja dat occurenzas dad oters cumüns ed inscunters politics ingio cha commembers da la giuventüna han pudü tour part, sco p.ex. Donnstig Jass, Babania Ardez, inscunter Anna Florin ed amo oters.

### **4. Rapport da la chaschiera**

La chaschiera quinta, cha la giuventüna haja cumanzà l'on cun ün saldo da CHF 11'194.64 e fini cun ün saldo da CHF 13'403.30. Ella continuescha, cha la giuventüna haja uschea fat ün guadagn da 2'208.66 d'ürant l'on 2024 e cha las plü grondas entradas haja dat pro la vendita da vin chod a l'Hom Strom, pro la festa da la SPEB e per las lavurs chi sun gnüdas fattas pel cumün.

La chaschiera ed il president constattan chi haja dat ün relativ grond guadagn adonta cha la giuventüna ha pajà il viadi giò'n Italia e sustgnü a quels chi sun its al ELF cun CHF 100. Els dischan chi's pudess dozar il sustegn sün CHF 200.

Implü disch la chaschiera, cha la giuventüna haja uossa ün conto da società e chi saja gnü plü simpel daspö cha la giuventüna ha eir Twint.

### **5. Rapport dals revisurs da quints**

Pels revisurs da quint nu d'eira pussibel dad esser preschaint, perquai legia il president avant il rapport. Aint il rapport staja, cha'l rendaquint saja gnü controllà e cha tuot saja stat documentà e fat inandret, ma chi detta ün punct chi tils ha dat in ögl, nempe ch'üna contribuziun da l'on 2023 saja gnüda pajada pür d'ürant l'on 2024, ma cha uossa giaja darcheu sü tuot.

Ils revisurs da quint propuonan dad ingrazchar a la chaschiera e da dar discharg. Quist protocol vain approvà unanimamaing cun applaus.



## 6. Tscherna da la suprastanza

Rino ed Orlando dischan ch'els dettan giò lur caricas sco president respecivamaing sco schef d'organisaziun. Sarina as metta a disposiziun per la carica da scheffa d'organisaziun e vain tschernüda unanimamaing. Mevina as metta a disposiziun per la carica sco presidenta e vain eir tschernüda unanimamaing cun applaus. Causa cha Mevina d'eira avant chaschiera vain libra quista carica. Rino disch ch'el as metta a disposiziun per ün on, sch'ingün oter nu vöglia. El vain tschernü unanimamaing.

Implü dà Braida giò sia rolla sco revisura da quint. Lino as metta a disposiziun sco seguond revisur da quint e vain tschernü unanimamaing.

Davo las tschernas guarda la suprastanza per l'on 2025 oura sco seguint:

|                                |                               |
|--------------------------------|-------------------------------|
| Presidenta:                    | Mevina Conrad                 |
| Actuar/vicepresident:          | Mic Armon Conrad              |
| Chaschier:                     | Rino Regensburger             |
| Scheffa da material/assessura: | Anina Sieber                  |
| Scheffa d'organisaziun:        | Sarina Purtscheller           |
| Revisurs da quint sun          | Matias Marugg e Lino Stecher. |

## 7. Fixaziun da la contribuziun annuala

Il president fa la proposta da laschar la contribuziun annuala pro CH 30. La proposta vain approvada unanimamaing.

## 8. Admissiun da nouvs commembers

Il president disch, cha d'ürant l'on 2024 sajan gnüts pro tschinch nouvs commembers e cha set sajan sortits. Entrats sun: Alissia, Aurora, Marina, Sven e Luca. Sortits sun: Flurin, Cora, Alessio, Lia, Nina, Fadri e Lena.

## 9. Program da l'on 2025 e fixaziun da datas

Ils preschaints discutan sur dal program da l'on 2025. Per las prümas occurenzas vegnan fingià fixadas datas. Per tschellas occurenzas seguan qustiunaris. Implü fa il president la proposta da far viadis adüna listess temp in avuost. Il program per quist on es previs sco seguint:



|                                           |                                                                                                                                                                                                                                         |
|-------------------------------------------|-----------------------------------------------------------------------------------------------------------------------------------------------------------------------------------------------------------------------------------------|
| <b>1 favrer</b><br>(sonda)                | <u>Vender vin chod a l'Hom Strom</u><br>Tanter las 19:00 e las 21:00 venda la giuventüna vin chod e punsch a Gurlaina. I voul ca 4 –5 personas chi güdan a preparar ed a vender.                                                        |
| <b>15 marz</b><br>(sonda)                 | <u>Giovar a tschoccas a Sur En e davo tschaina a Scuol</u><br>Davomezdi giovaina a tschoccas a Sur En. Vers saira organisaina ün taxi per ir inavo a Scuol e giain insembel a mangiar tschaina.                                         |
| <b>22 favrer</b><br>(sonda)               | <u>Di da skis</u><br>I's inscuntra sülla Motta Naluns e's va insembel culs skis. Davo pudaina ir insembel al Open Air Scuol (staziun).                                                                                                  |
| <b>mai</b>                                | <u>Visita in scoula</u><br>Sco tschels ons van var 3 commembers in scoula a preschantar la giuv.                                                                                                                                        |
| <b>mai / gün</b><br>(fin d'eivna)         | <u>Lavurs da cumün</u><br>Sco l'on passà laina eir quist on far lavurs pel cumün. Per quists lavurs voula almain 4 – 5 personas chi sun prontas da güdar.                                                                               |
| <b>7 gün</b>                              | <u>Festa dals 7 nanins</u><br>Pro quista festa pudaina sustgnair cun güdar a metter sü, rumir giò e far cassa. E natüralmaing sun tuots invidats da gnir a la festa.                                                                    |
| <b>3 – 5 lügl</b>                         | <u>ELF – Electic Love Festival a Salzburg</u><br>Differents commembers han fingià tickets pel ELF. Quels chi han gust da tour part organischan svesa tickets. Sco gruppa as guarda lura pel viadi, tendas, material etc.                |
| <b>19 / 26 lügl</b><br>(venderdi o sonda) | <u>Grillada per nouvs commembers</u><br>Sco tschels ons laina eir quist on organisar üna grillada per nouvs commembers chi finischan quist on la 9. classa e per personas chi voutan as far üna idea sco chi'd es pro nossa giuventüna. |
| <b>1 avuost</b><br>(venderdi)             | <u>Fö dals prüms avuost - Flöna</u><br>Sco l'on passà laina ir sü Flöna a far ün fö dals prüms avuost e grillada. L'idea es ch'üna gruppa va sü a preparar il fö e tschella chamina sü.                                                 |
| <b>avuost</b>                             | <u>Viadi Ayia Napa</u><br>Id es planisà dad ir 5 dis in viadi in avuost. O dals 6 -10 avuost o dals 13 – 17 avuost. Detagls seguan.                                                                                                     |
| <b>30 avuost</b>                          | <u>Pfundskerle</u><br>Ir insembel cun otras giuventünas in cas chi vain organisà il viadi. Inschna organisaina svesa ün taxi.                                                                                                           |
| <b>6 december</b><br>(sonda)              | <u>Niculaus</u><br>Ils 6 december pon commembers chi han temp ir a far da Niculaus.                                                                                                                                                     |
| <b>december /<br/>schner</b>              | <u>Vin chod</u><br>Scha no tschüffain il permiss dal cumün füssa flot dad ir a vender vin chod. In quist möd as poja organisar alch insembel e guadagnar ün rap per viadis ed otras activitads.                                         |



## 10. Varia

- I dà ün ingrazchamaint a Rino per esser stat aint la suprastanza da la giuventüna daspö desch ons (daspö cha la giuventüna es gnüda fundada nouva) e per avoir fat da president per trais ons. I dà grond applaus.
- Geremia discha cha la pagina d'internet gnarà plü chara quist on.
- Anina preschainta l'inventar da la giuventüna.
- Max fa la proposta dad actualisar il logo da la giuventüna. Ils commembers van d'accord. Il president disch cha Max dess preschantar nouvs logos a la prosma radunanza generala, uschè chi po gnir vuschà.
- Bianca dumonda schi gnia fat üna festa quist on. Mevina disch ch'ella nu saja amo sgüra, perquai chi less bler'organisaziun, ma ella disch ch'üna festa saja sülla glista. Mevina dumonda chi chi füss da la partida per far ün brainstorming per organisar üna festa ed ils noms vegnan notats.

Il president glivra la radunanza generala a las 21:20

Il president:  
Rino Regensburger

L'actuar:  
Mic Armon Conrad